

摘藻堂四庫全書薈要

子部

欽定四庫全書叢要

子部

御纂醫宗金鑑卷六十三



詳校官主事_臣陳本

欽定四庫全書薈要

御纂醫宗金鑑卷六十三

編緝外科心法要訣目錄



透腦疽

侵腦疽

佛頂疽

額疽

勇疽

鬚疽

天疽銳毒

耳後疽

耳發

耳根毒

玉枕疽

腦後發

腦鑠

油風

白屑風

禿瘡

螻蛄癬

髮際瘡

面部

顴瘍

顴疽

顴疔

面發毒

面遊風

疥腮

頰瘍

骨槽風

發頤

時毒

鳳眉疽

睂心疽

龍泉疽

虎髭毒

燕窩瘡

雀斑

黑痣

鰲黑肝鰲

欽定四庫全書醫要卷一萬五百十七子部

御纂醫宗金鑑卷六十三

編輯外科心法要訣

百會疽圖

百會穴在頂中央自面側觀之正對耳尖



頭部

百會疽

百會疽在巔頂結經屬督脈百會穴初如粟米漸如錢甚似葡萄堅似鐵高腫熱實清毒火平塌陽虛溫補怯腫連耳項動痰聲七日不潰命必絕

註此百會疽又名玉頂發生在巔頂正中屬督脈經百會穴由膏粱太過火毒凝結而成初起形如粟米漸腫根大如錢甚則形似葡萄堅硬如鐵高尖

紅腫焮熱疼痛瘡根收束憎寒壯熱大渴隨飲隨
乾口苦脣焦便秘煩躁脈見洪數者此屬氣實宜
服黃連消毒飲以清毒火外敷冲和膏若漫腫平
塌紫暗堅硬髻痛根散惡寒便瀉脈見細數者此
屬陽虛宜服十全大補湯以溫補之外敷回陽玉
龍膏若面赤過煩口乾不渴脣潤者此屬陽虛浮
泛宜服桂附地黄丸引火歸源更用生附子餅置
兩足心湧泉穴各灸五壯以洩其毒初起貼琥珀

膏已潰糝黃靈藥太乙膏蓋貼腐盡再易生肌之藥治之若腫連耳項痰如拽鋸七日無膿不潰神昏者命必絕矣

黃連消毒飲

蘇木 二分

甘草 三分

陳皮 二分

桔梗 五分

黃芩 五分

黃蘗 五分

人參 三分

藁本 五分

防已五分

防風四分

知母四分

羌活一分

獨活四分

連翹四分

黃連一錢

生地黃四分

黃耆二錢

澤瀉二分

當歸尾四分

水煎食遠溫服

方歌黃連消毒清毒火諸般火證服最良蘇木甘草陳

皮桔苓藥人參藁二防知母羌活獨活等連翹黃
連生地黃黃耆澤瀉當歸尾服後最忌飲寒涼

沖和膏

回陽玉龍膏

俱見腫瘍門

生肌散

十全大補湯

黃靈藥

太乙膏

俱見潰瘍門

桂附地黃丸

附子餅

見前灸法


琥珀膏

見後髮際瘡

透腦侵腦疽圖

透腦疽生在百會穴前額會穴前

侵腦疽生在透腦疽前側下五處穴



透腦疽

透腦疽生百會前形如鷄子痛而堅軟漫膿稀虛塌陷
紅硬膿稠實腫尖

註此證生於百會穴之前顙門之際亦由督脈經火
毒而成初如粟米漸如鷄子堅硬疼痛瘡頂塌陷
根脚漫腫色暗者屬虛若色紅腫硬頂尖膿稠者
屬實速潰者順遲潰透腦髓者逆其腫潰內外治
法俱按百會疽

侵腦疽

侵腦疽生透腦旁濕火攻發屬太陽穴名五處知其位
紅順紫逆要審詳

註此疽生於透腦疽側下由太陽膀胱經濕火而成
穴名五處紅腫高起焮熱疼痛膿色如蒼蠟者屬
氣血俱實順而易治若紫陷無膿根脚散大者屬
氣血兩虛逆而難治初起宜服荊防敗毒散汗之
次服內疎黃連湯下之將潰服托裏透膿湯已潰

服托裏排膿湯外貼琥珀膏圍敷冲和膏其餘內
外治法俱按癰疽潰瘍門

托裏透膿湯

人參

白朮

土炒

穿山甲

炒研

白芷

各一錢

升麻

甘草節

各五分

當歸

二錢

生黃耆

三錢

皂角刺

一錢五分

青皮

炒五分

水三鍾煎一鍾病在上部先飲煮酒一鍾後熱服
此藥病在下部先服藥後飲酒瘡在中部藥內兌
酒半鍾熱服

方托裏透膿治癰疽已成未潰服之宜參朮甲芷升
歌

麻草當歸黃耆刺青皮

荊防敗毒散

見項部腦疽

內疎黃連湯

冲和膏


俱見腫瘍門

托裏排膿湯見項部魚尾毒

琥珀膏見髮際瘡內

佛頂疽圖

佛頂疽生在透腦疽之前上星穴



佛頂疽

佛頂疽屬督上星陰陽不調毒熱成不論虛實皆險證
潰爛黑陷必然凶

註此證一名頂門疽生於頭頂顙門之前屬督脈經
上星穴由藏府陰陽不調熱毒上壅而成色紫堅
硬腫痛脈洪大而數者為實脈微細而數者為虛
皆屬險證若潰爛黑陷六脈散大神昏譫語二便
閉結者為逆首尾內外治法俱按百會疽

額


疽

圖

額 疽

傍額疽

傍額疽



額疽

額疽生額火毒成左右膀胱正督經頂陷焦紫無膿重
高聳根收紅腫輕

註此證生前額正中者屬督脈經或生左右額角者
屬膀胱經總由火毒而成初起瘡頂塌陷乾焦色
紫不生大膿者其勢重而屬險也若紅腫高聳瘡
根收束者其勢輕而屬順也初服荊防敗毒散汗
之次服仙方活命飲消之將潰氣虛者宜服托裏

透膿湯氣實者宜服透膿散外敷冲和膏已潰宜服托裏排膿湯外貼琥珀膏其餘內外治法俱按
癰疽潰瘍門

荆防敗毒散見項部腦疽

仙方活命飲見腫瘍門

托裏透膿湯見前侵腦疽

托膿散


冲和膏俱見腫瘍門

托裏排膿湯見項部魚尾毒

琥珀膏見髮際瘡內

勇 疽 圖

勇疽生在眼角後五分童子髀穴又名太陽穴



勇疽

勇疽背後太陽穴膽經怒火伏鼠形七日不潰毒攻眼
黃膿為吉黑為凶

註此證一名勇疽又名腦發疽屬足少陽膽經怒火
而成生於目小眥之後五分生在太陽穴者無論
左右皆可以生初起如粟漸腫疼痛形如伏鼠面
目浮腫七日信膿不潰火毒攻睛腐爛損目若十
一日鍼出黃膿毒從膿解為順易治若出紫黑血

者係氣虛不能化毒為逆難治初服仙方活命飲
清解之毒甚宜服內疎黃連湯外敷二味拔毒散
其將潰已潰內外治法俱按癰疽腫瘍潰瘍門潰
後避風忌水

仙方活命飲

內疎黃連湯

二味拔毒散

俱見腫瘍門

鬚

疽

圖

「鬚」疽生在左右鬚角



鬚疽

鬚疽三焦膽二經證由慾怒火凝成此經氣多而血少潰腐惟宜少見膿

註此證發於鬚角屬手少陽三焦足少陽膽二經由於相火妄動外受風熱更因性情急怒慾念火生凝結而成此二經俱屬氣多血少最難腐潰更兼鬚角肌肉澆薄不宜鍼灸候其自潰潰後不宜多見膿膿多者過耗血液難斂初起宜服柴胡清肝

湯解之膿成者宜托裏消毒散托之外敷二味拔毒散已潰內外治法俱按癰疽潰瘍門

柴胡清肝湯

柴胡

生地 各一錢五分

當歸 二錢

赤芍 一錢五分

川芎 一錢

連翹 二錢
去心

牛蒡子 一錢五分
炒研

黃芩 一錢

生梔子 研

天花粉

甘草節

防風 各一錢

水二鍾煎八分食遠服

方歌柴胡清肝治怒證宣血疎通解毒良四物生用柴

翹芩黃芩梔粉草節防


托裏消毒散

二味拔毒散 俱見腫瘍門

天 疽 銳 毒 圖

銳毒生右耳後一寸三分高骨後

天疽生左耳後一寸三分高骨後



天疽 銳毒

天疽居左銳毒右經屬膽腑生耳後謀慮太過鬱火成此處肉薄當急救

註此二證左為天疽右為銳毒俱生耳後一寸三分高骨之後天者不盡天年謂之天銳者如鋒刃之銳利言毒甚也得此二證愈者甚少初起俱如黍粒漸腫如瓜堅硬平塌紫暗不澤較諸瘡疼痛倍增名雖各異而左右耳後俱屬足少陽膽經由謀

慮不決鬱火凝結而成此處皮肉澆薄氣多血少
終屬險症急當治之遲則熱氣下入淵液前傷任
脈內薰肝肺惡證悉添必致不救若紅腫速潰者
順堅硬黑陷者逆如果投方應證亦止十全四五
也初宜服柴胡清肝湯消解之膿將成宜服托裏
消毒散虛者十全大補湯托補之外俱敷烏龍膏
其餘內外治法俱按癰疽腫潰瘍門

淵液膽經穴名

柴胡清肝湯見前贅疽

托裏消毒散

烏龍膏

俱見腫瘍門

十全大補湯

見潰瘍門

耳後疽圖

耳後疽生耳上稍之後角孫穴開口有空陷下之處左右相同



耳後疽

耳後疽生耳摺間三焦風毒膽火炎紅腫有頭焮為順
黑陷聾痛冷潰難

註此證生於耳摺之間無論左右屬三焦經風毒兼
膽經怒火上炎而成初起如粟漸增腫痛小者如
杏大者如桃若紅腫有頭焮熱易潰稠膿者為順
若黑陷堅硬聾痛引腦甚則頂頰肩肘俱痛不熱
遲潰紫血者為逆初治法同天疽已潰內外治法

俱按癰疽潰瘍門又有初起失於托裏或誤食寒
涼則毒不能外發遂攻耳竅膿從耳竅出者名為
內潰屬虛多服十全大補湯大抵少年得此證者
其愈最緩老年得此證者易於成漏

十全大補湯見潰瘍門

耳發圖



耳發生在耳摺間連耳輪通腫甚則膿串耳竅左右相同

耳發

耳發三焦風熱成初椒漸若蜂房形赤腫疼痛生輪後黃膿屬吉紫血凶

註此證生於耳後屬三焦經風熱相搏而成初如椒粒漸腫若蜂房將腐亦多眼孔焮赤疼痛腫連耳輪蓋發者乃癰症之毒甚者也不可聽其自潰恐潰遲膿通耳竅當在十一日後剪破瘡頂出黃白膿者屬吉為順出紫鮮血者屬凶為逆初起俱宜

服仙方活命飲消之外敷二味拔毒散其餘內外
治法俱按癰疽潰瘍門

仙方活命飲見腫瘍門

二味拔毒散見腫瘍門

耳根毒圖

耳根毒生在耳垂後偏上縫中左右相同



耳根毒

耳根毒初痰核形腫如伏鼠焮赤疼三焦風火膽怒氣
暴腫潰速非疽癰

註此證生於耳後初起形如痰核漸增腫勢狀如伏
鼠焮赤疼痛由三焦風火膽經怒氣上冲凝結而
成但此證暴腫潰速根淺易愈非若癰疽之勢大
毒甚也初起寒熱往來宜服荊防敗毒散汗之發
熱痛甚者仙方活命飲消之膿成者服透膿散虛

者服托裏透膿湯潰後外撒紅靈藥貼太乙膏膿盡換搽生肌玉紅膏生肌斂口若遇虛者膿水清稀或瘡口斂遲即服香貝養榮湯補之自斂

仙方活命飲

見腫瘍門

荆防敗毒散

見項部腦疽

透膿散

見腫瘍門

托裏透膿湯

見前侵腦疽


紅靈藥

生肌玉紅膏

太乙膏 俱見潰瘍門

香貝養榮湯 見項部石疽

玉枕疽圖



玉枕疽生腦後玉枕骨尖上腦戶穴在百會穴之後四寸半

玉枕疽

玉枕疽屬督脈經證由積熱風邪乘枕骨微上腦戶穴
高腫為順紫陷凶

註此證由督脈經積熱外受風邪凝結而成生在玉
枕骨尖微上腦戶穴初起如粟麻癢相兼寒熱往
來口渴便秘漸增堅硬大者如茄小如鶩卵紅活
高腫潰出稠膿者屬吉而順也若紫暗塌陷潰出
血水者屬凶險也初則俱服神授衛生湯消解之


虛者宜服托裏消毒散外敷冲和膏其餘內外治
法俱按癰疽腫潰瘍門

神授衛生湯

托裏消毒散

冲和膏俱見腫瘍門

腦後發圖



腦後發在玉枕骨之下

腦後發

腦後發生在督經熱結風府粟腫疼紅活易潰稠膿順
紫暗難潰血水凶

註此證屬督脈經枕骨之下風府穴由積熱外受風
邪凝結而成初如粟米岌腫作疼痛引頭頂肩項
氣粗鼻塞漸大如盤如盃紅活速潰出稠膿者順
紫暗難潰時津血水者逆初起內外治法按玉枕
疽其餘內外治法俱按癰疽腫潰瘍門

腦

鑠

圖



腦鑠生在腦後入髮際一寸風府穴二天柱之中宛宛中央勢如橫水

腦鑠

腦鑠項後如橫木精涸毒火上乘生黑如竈烟牛唇硬
木痛未腐水流清急施桑艾法至痛火燎刺痛屬陽經
速服仙方活命飲若見七惡定然凶

註此證生於督脈經風府穴由陰精枯涸毒火乘之
而生初起形如椒粒堅硬紫暗漸腫如橫木甚則
上至顛頂下至大椎色如竈烟硬若牛脣未膿皮
先腐爛時流清水肌肉冰冷輕者木痛重者毒氣

將陷全不知疼宜急施桑柴烘法或艾壯灸法以
痛為度速服仙方活命飲以舒解其毒七日之後
不發長不生大膿者宜服十全大補湯救之投補
藥不應者難治若初起熱如火燎刺痛屬陽證速
服黃連消毒飲外敷回陽玉龍膏此證若首尾純
見五善之證者屬順見七惡之證者屬逆也其餘
內外治法俱按癰疽腫潰瘍門

桑柴烘法

艾壯灸法 俱見首卷

仙方活命飲 見腫瘍門

十全大補湯 見潰瘍門

黃連消毒飲 見前百會疽

回陽玉龍膏 見腫瘍門

油風圖



油風生頭髮內毛髮脫落成片皮膚色紅光亮甚癢亦生鬚眉間及面部

油風

油風毛髮乾焦脫皮紅光亮癢難堪毛孔風襲致傷血
養真海艾砭血痊

註此證毛髮乾焦成片脫落皮紅光亮癢如蟲行俗
名鬼剃頭由毛孔開張邪風乘虛襲入以致風盛
燥血不能榮養毛髮宜服神應養真丹以治其本
外以海艾湯洗之以治其標若耽延年久宜鍼砭
其光亮之處出紫血毛髮庶可復生

神應養真丹

羌活

木瓜

天麻

白芍

當歸

菟絲子

熟地

酒蒸搗膏

川芎

等分為末入地黃膏加蜜丸桐子大每服百丸溫
煮酒或鹽湯仕下

方歌
神應養真治油風養血消風髮復生羌歸木瓜天

麻芎菟絲熟地與川芎

海艾湯

海艾

菊花

藜蘆

蔓荊子

防風

薄荷

荊穗

藿香

甘松 各二錢


水五六碗同藥煎數滾連湯共入瓶口鉢內先將

熱氣薰面候湯少溫用布蘸洗日洗二三次洗後
避風忌魚腥發物

方歌海艾湯治油風癢先薰後洗善消風菊藜蔓荆風
薄穗藿香海艾與甘松

白 屑 風 圖

白屑風生於頭面作癢抓起白屑皮脫去又起其燥癢倍增



白屑風

白屑風生頭與面燥癢日久白屑見肌熱風侵成燥化換肌潤肌醫此患

註此證初生髮內延及面目耳項燥癢日久飛起白屑脫去又生由肌熱當風風邪侵入毛孔鬱久燥血肌膚失養化成燥證也宜多服祛風換肌丸若肌膚燥烈者用潤肌膏擦之甚效

祛風換肌丸

大胡麻

蒼朮炒

牛膝酒洗

石菖蒲

苦參

何首烏

花粉

威靈仙各二兩

當歸身

川芎

甘草各一兩
生

右為細末陳煮酒跌丸菴豆大每服二錢白滾水
送下忌魚腥發物火酒

方換肌丸治白屑風燥癢日增若蟲行風燥血分失

潤養疊起白屑落復生歸芍胡麻蒼朮膝菖蒲花
粉草葳靈苦參何首烏為末煮酒跌丸棗豆形

潤肌膏

香油四兩

奶酥油二兩

當歸五錢

紫草一錢

將當歸紫草入二油內浸二日文火燂焦去渣加
黃蠟五錢溶化盡用布濾傾盤內不時用柳枝攪

冷成膏每用少許日擦二次

方潤肌膏擦白屑風肌膚燥癢用更靈酥香二油歸
歌紫草燂焦加蠟濾攪凝

禿

瘡

圖



禿瘡生於頭皮騷癢撓破津水結白膿痂多生小兒頭上

禿瘡

禿瘡風熱化生蟲騷癢難堪却不疼白痴如錢生髮內
宜服通聖擦膏靈

註此證頭生白痴小者如豆大者如錢俗名錢癬又
名肥瘡多生小兒頭上騷癢難堪却不疼痛日久
延漫成片髮焦脫落即成禿瘡又名癩頭瘡由胃
經積熱生風而成宜用防風通聖散料醇酒浸焙
為細末每服一錢或二錢量其壯弱用之食後白

滾湯調下服至頭上多汗為驗初起肥瘡宜擦肥
油膏用久則效已成禿瘡者先宜艾葉鴿糞煎湯
洗淨瘡痂再用豬肉湯洗之隨擦躑躅花油以殺
蟲散風蟲死則癢止風散則髮生血潮則肌膚潤
久擦甚效

防風通聖散

防風

當歸

白芍
酒炒

芒消

大黃

連翹

桔梗

川芎

石膏

煨

黃芩

薄荷

麻黃

滑石 各一兩

荊芥

白朮

土炒

山梔子 各二錢五分

甘草

生 二兩

共為末

方防風通聖治禿瘡胃經積食致風傷連翹梔子麻
歌

黃桔白朮歸芍滑石防黃芩甘草石膏芍薄荷荆
芥並消黃共末酒拌晒乾碾白湯調服發汗良

肥油膏

番木鱉

六錢

當歸

藜蘆

各五錢

黃蘗

苦參

杏仁

狼毒

白附子

各三錢

鯉魚膽 二個

用香油十兩將前藥入油內熬至黑黃色去渣加黃蠟一兩二錢溶化盡用布濾過罐收每用少許用藍布裹於手指蘸油擦瘡


方歌肥油膏能治肥瘡散風殺蟲長髮強黃蘗苦參白附子番鱉狼毒杏仁良藜蘆當歸鯉魚膽煤焦入蠟實奇方

躑躅花油方

躑躑花根四兩搗爛用菜油一盞燂枯去渣加黃蠟
少許布濾候冷青布蘸擦日用三次氈帽戴之勿令
見風

方歌躑躑花油療禿瘡驅蟲止癢擦之良躑躑花根研
極爛菜油燂枯入蠟強

蠅 蛄 癰 圖



螻蛄癰

螻蛄癰即螳拱頭勢小勢大各有由胎毒堅小多衣膜暑熱形大功易收

註此證多生小兒頭上俗名貉腦未破如曲螳拱頭破後形似螻蛄串穴有因胎中受毒者其瘡腫勢雖小而根則堅硬潰破雖出膿水而堅硬不退瘡口收斂越時復發本毒未罷他處又生甚屬纏綿難斂宜用三品一條鎗插於孔內化盡堅硬衣膜

換撒生肌散貼玉紅膏以收斂之不致再發也亦有暑熱成毒者大如梅李相聯三五枚潰破膿出其口不斂日久頭皮串空亦如螻蛄串穴之狀宜貼紺珠膏拔盡膿毒將所串之空皮剪通使無藏膿之處用米泔水日洗一次乾撒生肌散貼萬應膏甚效有因瘡口開張日久風邪襲入以致瘡口周圍作瘡抓破津水相延成片形類黃水瘡者宜用敗銅散搽之忌魚腥發物

三品一條鎔

白砒 一兩五錢

明礬 三兩

砒礬二味共研細末入小罐內加炭火煨紅青烟已盡疊起白烟片時約上下紅徹住火取罐安地上一宿取出約有砒礬淨末一兩加雄黃二錢四分乳香一錢二分共研極細厚糊搓成線條陰乾瘡有孔者挿入孔內無孔者先用鍼通孔竅早晚挿藥二條挿至三日後孔大者每挿十餘條挿至

七日孔內藥條滿足方住患處四邊自然裂開大縫共至十四日前後其堅硬衣膜及疔核癰癰痔漏諸管自然落下隨用湯洗搽玉紅膏虛者兼服健脾補劑自然收斂

方歌神奇三品一條鎗能醫堅硬衣膜瘡雄乳白砒礬生用研末煅煉搓條良

敗銅散

化銅舊罐子一個研為細末用香油調敷自能滲濕

祛癢瘡口易斂

方敗銅散治潰風傷騷癢破津脂水瘡化銅舊罐研歌

細末香油調敷滲濕良

紺珠膏

萬應膏

生肌散

紅玉膏

俱見潰瘍門

髮際瘡圖



髮際瘡生項後髮際內胖人多生此瘡

髮際瘡

髮際瘡生髮際邊形如黍豆癢疼堅頂白肉赤初易治
胖人肌厚最纏綿

註此證生頂後髮際形如黍豆頂白肉赤堅硬痛如
錐刺癢如火燎破津膿水亦有浸淫髮內者此由
內鬱濕熱外兼受風相搏而成也初宜紺珠丹汗
之次用酒製防風通聖散清解之外搽黃連膏效
惟胖人頂後髮際肉厚而多摺紋其髮反刺瘡內

因循日久不瘥又兼受風寒凝結形如卧瓜破爛
津水時破時斂俗名謂之肉龜經年不愈亦無傷
害常用琥珀膏貼之可稍輕也

琥珀膏

定粉 一兩

血餘 八錢

輕粉 四錢

銀朱 七錢

花椒 十四粒

黃蠟 四兩

琥珀 五分

麻油 十二兩

將血餘花椒麻油煤焦撈去渣下黃蠟溶化盡用
夏布濾淨傾入磁盞內預將定粉銀朱輕粉琥珀
四味各研極細共合一處徐徐下入油內用柳枝
不時攪之以冷為度綿燕脂攤貼紅綿紙攤貼亦
可

方琥珀膏能治諸瘡活瘀解毒化腐良定血輕朱椒
歌
蠟珀麻油熬膏亦療瘍

紺珠丹

即萬靈丹見腫瘍門

防風通聖散 見前禿瘡

黃連膏 見鼻部鼻瘡

頭風傷目

頭風引目眉稜痛風火寒痰有四因或由楊梅攻毒頂或因產後被風侵

註此證畏寒惡風其痛走注不定得煖少減者風痛也寒熱口苦大渴二便秘不眠者火痛也手足厥冷面青脣白氣逆不渴小水白者寒痛也身重肢

痰胸煩作嘔口吐痰沫者痰痛也以上四證舊有
古方羌活沖和湯倍川芎加菊花隨經形證加引
治之倘若因循失治風攻脊稜痰痛眼皮跳動漸
攻睛珠起藍雲遮睛多致損目若只脊稜痰痛以
碧雲散常吸之甚效

羌活沖和湯

防風

白芷 各一錢

細辛

甘草 各五分
生

生地

蒼朮

黃芩 各一錢

羌活 一錢五分

川芎 二錢

引加蔥頭三根生薑一片紅棗肉二枚水煎食遠服

痛由頂後起屬膀胱經倍羌活加藁本

痛由耳後起屬膽經加柴胡

痛由太陽牽引頭額兩目屬胃經倍白芷加葛根

煨石膏

頭痛兼有腹痛身重屬脾經倍蒼朮

頭痛兼有足冷氣逆屬腎經倍細辛甚者加麻黃
生附子減黃芩

頭痛兼有嘔涎沫者手足厥冷屬肝經加吳茱萸
頭痛有火熱渴倍酒洗黃芩加生石膏

便秘者加生大黃

頭痛吐痰涎四肢不冷者加半夏

歌方冲和頭風風傷目風火寒疾四因生日久眉稜痠
痛跳遮睛損目此能清防風白芷細辛草生地蒼
苓羌活芎詳在隨加引經藥葱薑紅棗水煎成
碧雲散

川芎

鷺不食草各一兩

細辛

辛夷各二錢

青黛一錢

共為細末患者口噙涼水令人以蘆筒吹入左右

鼻孔內取嚏為效每用少許鼻常吸之其效緩

方碧雲散去頭風證眉稜痠痛更堪醫驚不食草辛歌

夷黛芎細同研不時吸

貼兩太陽穴法 治頭痛如破

雀腦川芎

白附子 各等分

研末葱汁調稠紙攤貼左右太陽穴效

產後風寒侵腦頭痛不可發汗宜用四物湯倍川芎

加荊芥穗服之其效緩


楊梅毒入腦髓以致頭痛者治在本門

四物湯見潰瘍門

顴 瘍 顴 疽 圖

顴瘍宣腫色赤左右同

顴疽堅硬色紫左右同



面部

顴瘍顴疽

顴瘍顴疽漸榴形風熱積熱小腸經瘍起焮紅浮腫痛疽紫漫硬木麻疼

註此二證發於顴骨尖處屬小腸經不論左右初小漸大如榴發陽分者由風熱而生初起焮紅浮腫疼痛七日即潰名為顴瘍毒輕根淺易愈發陰分者由積熱而生色紫漫腫堅硬麻木疼痛三七方

潰名為顴疽毒甚根深難愈瘍證初宜仙方活命
飲疽證初宜內疎黃連湯或麥靈丹其餘內外治
法俱按癰疽腫瘍潰瘍門

仙方活命飲

內疎黃連湯

麥靈丹


俱見腫瘍門

顴

疔

圖

顴疔已亦堅硬形小根深左右相同



顴疔

顴疔初起粟米形證由陽明火毒生堅硬頂凹根深固寒熱交作麻癢疼

註此證生在顴骨之間屬陽明胃經不論左右初如粟米黃色小炮次如赤豆頂凹堅硬按似疔頭麻癢疼痛多因過食炙煇藥酒以致胃經積火成毒而生初宜蟾酥丸或麥靈丹汗之次服黃連消毒飲清之外治法同疔門凡疔皆屬迅速之證初覺


即當急治遲則毒火攻心令人昏憤譫語惡證悉
添多致不救

蟾酥丸見疔瘡門

麥靈丹見腫瘍門

黃連消毒飲見頭部百會疽

面發毒圖



面發毒形如豆粒色紅堅硬

面發毒

面發毒在頰車生初少漸多赤豆形腫硬愀疼津黃水證屬風熱客陽明

註此證生面上頰車骨間初生一個漸發數枚形如赤豆色紅愀痛堅硬似疔時津黃水由風熱客於陽明上攻而成初宜服荊防敗毒散汗之若胃火盛則唇焦口渴便燥者即服涼膈散下之外以清涼消毒散敷之即愈

涼膈散

黃芩

薄荷

梔子

生研

連翹

去心

石膏

生

甘草

生

芒消

大黃

各等分

水二鍾苦竹葉二十片煎八分加蜂蜜三匙和服

方歌涼膈散醫肺胃熱口渴唇焦便燥結苓薄荷翹石

膏草芒硝大黃苦竹葉

清涼消毒散

白及

乳香

雄黃

天花粉

麝香

烏藥

山慈姑

黃蘗

各等分共研細末鷄子清和蜜水調敷


方歌清涼消毒去風熱及乳雄黃花粉麝烏藥慈姑黃

蘗研鷄清蜜調毒即滅

荆防敗毒散

見項部
腦疽

面遊風圖



面遊風係面上起白皮形似細魚鱗

面遊風

面遊風燥熱濕成面目浮腫癢蟲行膚起白屑而癢極
破津黃水津血疼

註此證生於面上初發面目浮腫癢若蟲行肌膚乾
燥時起白屑次後極癢抓破熱濕盛者津黃水風
燥盛者津血痛楚難堪由平素血燥過食辛辣厚
味以致陽明胃經濕熱受風而成癢甚者宜服消
風散痛甚者宜服黃連消毒飲外抹摩風膏緩緩

取效

摩風膏

麻黃 五錢

羌活 一兩

白檀香 一錢

升麻 二錢

白及 一錢

防風 二錢

當歸身 一錢

用香油五兩將藥浸五日文火燂黃即撈去渣加黃蠟五錢溶化盡用絹濾過攪冷塗抹瘡上

方摩風膏抹遊風證麻黃羌活白檀升及防歸身香

油泡燂黃去渣加蠟凝

消風散

見項部鈕口風

黃連消毒飲

見頭部百會疽

疥 腮 圖



疔腮

疔腮胃熱是其端初起焮痛熱復寒高腫焮紅風與熱
平腫色淡熱濕原

註此證一名髭發一名含腮瘡生於兩腮肌肉不着
骨之處無論左右總發端於陽明胃熱也初起焮
痛寒熱往來若高腫色紅焮熱者係胃經風熱所
發若平腫色淡不鮮者由胃經濕熱所生始則俱
以柴胡葛根湯表之若口渴便秘宜四順清涼飲

解之表裏證俱解腫痛仍作者勢必成膿宜托裏
消毒散托之膿熟者鍼之體虛者宜平補之其餘
治法按癰疽潰瘍門此證初起若過服涼藥令毒
攻喉者險

柴胡葛根湯

柴胡

葛根

石膏

煨

花粉

黃芩

各一錢

甘草

生五分

牛蒡子炒研

連翹去心

桔梗各一錢

升麻三分

水二鍾煎八分不拘時服

方歌柴胡葛根發表證
疥腮腫痛或平形石膏花粉黃

芩草牛蒡連翹桔梗升

四順清涼飲

防風

梔子生研

連翹去心

甘草生

當歸

赤芍

羌活 各一錢

大黃 二錢

水二鍾燈心五十寸煎八分食遠服

方四順清涼攻裏強口乾便秘瘕瘡防風梔子連

翹草歸芍燈心羌大黃

托裏消毒散 見腫瘍門

頰 瘍 圖

頰瘍生頰車骨



頰瘍

頰瘍胃經積熱生初如紅粟漸榴形膿出腫消易斂愈
膿稀難斂漏因成

註此證生於耳下頰車骨間由陽明胃經積熱而生
始發如粟色紅漸大如榴初起宜犀角升麻湯清
解之若失治或過敷寒藥以致肌冷凝結堅硬難
消難潰者宜升陽散火湯宣發之將潰宜托裏消
毒散膿熟鍼之膿出腫退瘡口易斂者則愈或牙

關緊急不開或旁腫不消膿水清稀因而成漏復
被寒侵瘡孔致生多骨經年纏綿難愈者服桂附
地黃丸外用豆豉餅墊灸艾壯初用九壯以知熱
瘡為止每日灸之以朽骨脫出膿漸少而肌漸平
為度兼用紅升丹搽入瘡口內萬應膏蓋貼每日
一易患者當慎起居戒腥發等物漸漸收功

犀角升麻湯

犀角 二錢五分

升麻 一錢七分

黃芩 八分

白附子 八分
麴累煨熟

生甘草 五分

白芷 八分

川芎 八分

羌活 一錢二分

防風 八分

水三鍾煎一鍾食遠熱服

方犀角升麻醫頰瘍色紅初起服之良黃芩白附生
歌

甘草白芷川芎羌活防

升陽散火湯

撫芎六分

蔓荊子

白芍

酒炒

防風

羌活

獨活

甘草

半生半炙

人參各一錢

柴胡

香附各一錢五分

葛根一錢

升麻一錢

僵蠶

炒一錢五分

生薑一片紅棗肉一枚水三鍾煎一鍾食遠溫服

方升陽散火過敷寒身又拘急木痛堅撫蔓芍防羌
歌

獨草參朮香附葛升蠶

托裏消毒散

見腫瘍門

豆豉餅

見灸法內

紅升丹

萬應膏

俱見潰瘍門

骨槽風圖

骨槽風腮頰浮腫牙關緊急



骨槽風

骨槽風火三焦胃耳前腮頰隱隱疼腐潰筋骨仍硬痛
牙關拘急挾邪風

註此證一名牙疔發一名穿腮發乃手少陽三焦足
陽明胃二經風火也起於耳前連及腮頰筋骨隱
痛日久腐潰腮之裏外筋骨仍然漫腫硬痛牙關
拘急皆由邪風深襲筋骨故也此證屬在筋骨陰
分故初起腫硬難消潰後瘡口難合多致不救初

起熱不盛者內宜服清陽散火湯外以清胃散擦
牙真君妙貼散敷腮如初起發表之後人壯火盛
者用皂刺大黃甘草節白芷殭蠶下之後減大黃
加生石膏以清之然亦不可過用寒涼之藥恐其
凝結也有硬腫日久失治不能盡消者膿勢將成
宜用中和湯托之已潰按癰疽潰瘍門治法亦有
過服寒涼以致肌肉堅凝腐臭非理中湯佐以附
子不能回陽非殭蠶不能搜風如法治之諸證俱

減惟牙關拘急不開宜用生薑片墊灸頰車穴二
七壯其穴在耳垂下五分陷中處每日灸之兼用
鍼刺口內牙盡處出血其牙關即開若寒熱不退
形焦體削痰盛不食或口內腐爛甚則穿腮落齒
者俱為逆證當腐爛之初治法即同牙疳亦不過
稍盡人事耳

清胃散

薑黃

白芷

細辛

川芎

各等分共研細末先以鹽湯漱口擦牙痛處

方清胃散擦牙腫疼薑黃白芷細辛芎同研先以鹽湯漱後擦此藥有奇功

中和湯

白芷

桔梗

人參

黃耆各一錢

藿香五分

肉桂五分

甘草

白木
土炒

川芎

當歸

白芍

各一錢
酒炒

麥門冬

五分
去心

水二鍾薑三片棗二枚煎八分加酒一杯食遠服

方歌中和湯治骨槽風日久不消欲潰膿並桔參耆藿

桂草朮芎歸芍麥門冬

理中湯見潰瘍門

真君妙貼散見腫瘍門

升陽散火湯方見頰瘍

發 頭 圖

發頭



發頤

發頤腫痛結核般經屬陽明身熱寒傷寒疹毒汗失表腫至咽喉調治難

註此證又名汗毒發於頤頤之間屬足陽明胃經初起身發寒熱腫如結核微熱微痛漸腫如桃如李疼痛倍增由傷寒發汗未盡或疹形未透壅積而成初起宜荊防敗毒散汗之外以二味拔毒散敷之即消如消之不應者腫痛日增勢必潰膿宜服

托裏透膿湯潰後按癰疽潰瘍門治法若此證失
於調治或誤投寒涼尅伐之藥毒必內陷腫至咽
喉痰湧氣堵湯水難嚥者逆

荆防敗毒散

見項部
腦疽

二味拔毒散

見腫瘍門

托裏透膿湯

見頭部
侵腦疽

時

毒

圖

時毒在於項領之間左右同



時毒

時毒初發類傷寒漫腫無頭在項間因感四時不正氣
治分壯弱疎解痊

註此證初起狀類傷寒憎寒發熱令人恍惚不寧肢
體痠疼或兼咽痛一二日間發於項腮頤頤作腫
無頭漸漸焮赤疼痛或似結核有根漫腫色赤俱
由感冒四時不正邪氣客於經絡釀結而成非發
於病後之頤毒也惟在醫者精察瘡色辨別虛實

治法須宜疎解不可驟用寒涼致毒不外發而內攻咽喉者險矣初服荊防敗毒散汗之其腫不消者宜服連翹消毒飲腫仍不消膿勢將成壯者宜服透膿散弱者宜服托裏透膿湯外敷二味拔毒散膿熟鍼之潰按癰疽潰瘍門治法

散防敗毒散

見項部腦疽

連翹消毒飲

見背部酒毒發

透膿散

見腫瘍門

托裏透膿湯見頭部侵腦疽

二味拔毒散見腫瘍門

鳳 眉 疽 圖

鳳眉疽生眉梭骨左右同



鳳眉疽

鳳眉疽生兩眉稜形長如爪漫腫紅膀胱小腸肝膽熱煩悶嘔逆不食凶

註此證亦名眉發生於眉稜無論左右俱屬足太陽膀胱手太陽小腸足厥陰肝足少陽膽四經積熱所致形長如爪疼痛引腦二目合腫堅硬色赤按之有根六日內刺之得膿則吉無膿則險甚則十四日不潰煩悶嘔逆不食者凶初宜服仙方活命

飲次服托裏透膿湯速潰為妙遲則恐攻眼損睛
矣其餘內外治法按癰疽潰瘍門

仙方活命飲

見腫瘍門

托裏透膿湯

見頭部侵腦疽

眉 心 疳 圖

眉心疳



睂心疽

睂心疽生在印堂硬腫為疽浮腫瘍督經風熱氣凝滯
根堅木痛當疔防

註此證生於兩睂中間疽名曰印堂疽毒初起色暗
根平腫硬疼痛至二十一日腐潰出稠膿者順無
膿黑陷者逆瘍名曰面風毒瘍毒初起色赤浮腫
焮痛易治七日潰膿若色黑木痛麻癢太過根硬
如鐵釘之狀寒熱並作即睂心疔也俱由督脈經

風熱壅結氣滯所成疽瘍二證俱按百會疽脊心
疔治法同疔

龍泉疽圖




龍泉疽在八中之正中

龍泉疽

龍泉疽起在人中麻癢堅疼赤豆形上焦風熱攻督脈
憎寒壯熱治同疔

註此證生於水溝穴即人中是也屬督脈經形如赤
豆勢小根深堅硬木痛色紫頂焦寒熱交作不時
麻癢由上焦風熱攻於督脈而成宜按疔門急速
治之遲則毒氣內攻令人煩悶惡心乾嘔神亂昏
憤腮項俱腫多致不救

虎 髭 毒 圖



虎髭毒在下脣之下宛宛中

虎髭毒

虎髭毒在頰下生胃腎積熱入任經癰焮腫痛速潰易疽堅硬痛麻癢疔

註此毒一名頰癰腫痛焮赤速潰易治一名承漿疽堅硬痛腫遲潰難治若根深形小似豆麻癢痛甚惡寒發熱心煩作嘔者疔也當從疔治皆由過食炙烤以致胃腎二經積熱上攻任脈而成癰疽二證初起宜服仙方活命飲加升麻桔梗消之若便

秘唇焦大渴者宜內疎黃連湯清之其餘內外治
法俱按癰疽腫瘍潰瘍門初起麻癢如疔治法按
疔門

仙方活命飲

內疎黃連湯

俱見腫瘍門

燕窩瘡圖

燕窩瘡生於下頰



燕窩瘡

燕窩瘡在下頰生如攢粟豆癢熱疼形類黃水瘡破爛此證原來濕熱成

註此證生於頰下俗名羊鬍子瘡初生小者如粟大者如豆色紅熱癢微痛破津黃水形類黃水瘡浸淫成片但疙瘡如攢由脾胃濕熱而成宜服苓連平胃湯外搽碧玉散即效

苓連平胃湯

黃芩一錢五分

黃連一錢

厚朴

一錢
薑炒

蒼朮

二錢
炒

甘草

五分
生

陳皮一錢

水二鍾薑一片煎八分食後服

方歌
苓連平胃燕窩瘡除濕清熱服更良
薑炒厚朴蒼

朮草陳皮同煎引生薑

碧玉散

黃蘗末

紅棗肉

各五錢
燒灰存性

共研極細末香油調搽患處

方碧玉散搽燕窩瘡色紅疙瘡津水黃棗炭藥末香
油拌消疼止癢滲濕方

雀

斑

圖

雀斑



雀斑

雀斑淡黃碎點形火鬱孫絡血風成犀角升麻丸常服
正容散洗漸無蹤

註此證生於面上其色淡黃碎點無數由火鬱於孫
絡之血分風邪外搏發為雀斑宜常服犀角升麻
丸並治一切粉刺酒刺黥黯靨子等證外用時珍
正容散早晚洗之以澤其肌久久自愈亦有水虧
火滯而生雀斑者宜服六味地黃丸

犀角升麻湯

犀角 一兩五錢

升麻 一兩

羌活 一兩

防風 一兩

白附子 五錢

白芷 五錢

生地黃 一兩

川芎 五錢

紅花 五錢

黃芩 五錢

甘草 二錢五分

各為細末合均蒸餅為小丸每服二錢食遠臨卧

用茶清送下

方犀角升麻治雀斑黥靨子亦能痊犀升羌防白

附芷生地芍紅苓草丸

時珍正容散

猪牙皂角

紫背浮萍

白梅肉

甜櫻桃枝 各一兩

焙乾兌鷹糞白三錢共研為末每早晚用少許在
手心內水調濃搓面上良久以溫水洗面用至七

八日後其斑皆沒神效

方歌正容散洗雀斑容猪牙皂角紫浮萍白梅櫻桃枝

鷹糞研末早晚水洗靈

六味地黃丸

懷熟地 八兩

山萸肉

懷山藥

炒各四兩

白茯苓

丹皮

澤瀉 各三兩

共為細末煉蜜為丸如梧桐子大每服二錢空心

淡鹽湯送下

方六味地黃善補陰能滋腎水並生津萸苓山藥丹
皮瀉研末蜜丸服最神

黑痣圖

黑子痣生於面部



黑痣

黑痣生面微點斑小如黍粒豆形圓孫絡之血陽束結
挑破水晶膏點痊

註此證生於面部形如微點小者如黍大者如豆比
皮膚高起一線有自幼生者亦有中年生者由孫
絡之血滯於衛分陽氣束結而成宜用線鍼挑破
以水晶膏點之三四日結痂其痣自落用貝葉膏
貼之兼戒醬醋愈後無痕

水晶膏

礦子石灰水化開取末五錢又用濃醃水多半茶鍾浸於石灰末內以醃水高石灰二指為度再以糯米五十粒撒於灰上如醃水滲下陸續添之泡一日一夜冬天兩日一夜將米取出搗爛成膏挑少許點於瘡上不可太過恐傷好肉

方水晶膏能點黑瘡醃水浸灰入糯米一日一夜米泡紅取出搗膏效無比

貝葉膏 見潰瘍門

鰵黑𤑔黧

𤑔黧如塵久始暗原於憂思抑鬱成大如蓮子小赤豆
玉容久洗自然平

註此證一名鰵黑斑初起色如塵垢日久黑似煤形
枯暗不澤大小不一小者如粟粒赤豆大者似蓮
子芡實或長或斜或圓與皮膚相平由憂思抑鬱
血弱不華火燥結滯而生於面上婦女多有之宜

以玉容散早晚洗之常用美玉磨之久久漸退而
愈戒憂思傷勞忌動火之物

玉容散

白牽牛

團粉

白歛

白細辛

甘松

白鴿糞

白及

白蓮蕊

白芷

白朮

白殭蠶

白茯苓 各一兩

荆芥

獨活

羌活

各五錢

白附子

鷹條白

白扁豆

各一兩

防風 五錢

白丁香

一兩

共研末每用少許放手心內以水調濃搽搓面上
良久再以水洗面早晚日用二次

方玉容散退鰵肝黧牽牛團粉欽細辛甘松鵲糞及
歌

蓮蕊芷朮殭蠶白茯苓羌芥獨羌白附子鷹條白
扁豆防風白丁香共研為末早晚洗面去斑容

御纂醫宗金鑑卷六十三



總校官庶吉士臣張能照

校對官編修臣莫瞻菴

謄錄監生臣平達

繪圖監生臣實光國